

აუტიზმის, გონებრივი განვითარების შეფერხების ან დაყოვნების მქონე ბავშვთა რეაბილიტაციის პროგრამა

მუხლი 1. პროგრამის მიზანი

პროგრამის მიზანია რუსთავში მცხოვრები (რეგისტრირებული) აუტიზმის, გონებრივი განვითარების შეფერხების ან დაყოვნების მქონე ბავშვების (შემდგომში - ბენეფიციარი) საზოგადოებაში ინტეგრაციის მიზნით სოციალური, შემეცნებითი, თვითმოვლისა და კომუნიკაციური უნარების განვითარების ხელშეწყობა.

მუხლი 2. პროგრამის სამიზნე ჯგუფი და პროგრამით მოსარგებლეთა შერჩევის წესი

1. პროგრამის სამიზნე ჯგუფს განეკუთვნება აუტიზმის, გონებრივი განვითარების შეფერხების ან დაყოვნების (ICD-10ით განსაზღვრული კლასიფიკატორები - F84; F78; R62) მქონე, ქალაქ რუსთავში რეგისტრირებული, 0-12 წლამდე ასაკის ბავშვები (ბენეფიციარები), რომლებიც ქალაქ რუსთავში რეგისტრირებულნი არიან განცხადებით მომართვამდე არანაკლებ 2 (ორი) წლის განმავლობაში (წყვეტის შემთხვევაში რეგისტრაცია არ უნდა ფიქსირდებოდეს ქალაქ რუსთავის მუნიციპალიტეტის ადმინისტრაციულ საზღვრებს გარეთ).

2. პროგრამაში ჩართვის შესაძლებლობა განისაზღვრება შემდეგი დოკუმენტაციის წარმოდგენის საფუძველზე:

ა) ბენეფიციარის კანონიერი წარმომადგენლის/მინდობითი აღმზრდელის განცხადება ქალაქ რუსთავის მუნიციპალიტეტის სახელზე;

ბ) ბენეფიციარის კანონიერი წარმომადგენლის/მინდობითი აღმზრდელის, პირადობის დამადასტურებელი მოწმობის ასლი;

გ) ბენეფიციარის დაბადების მოწმობის ასლი;

დ) მკურნალი ექიმის მიერ შევსებული ფორმა ბავშვის ჯანმრთელობის მდგომარეობის შესახებ №IV-100ა (დადგენილი ფორმით და სამედიცინო დაწესებულების ბეჭდით დამოწმებული);

ე) სამედიცინო დაწესებულების მიერ შედგენილი ინვოისი;

ვ) სამედიცინო მომსახურების ღირებულების კალკულაცია (ასეთის არსებობის შემთხვევაში);

3. გამონაკლისი ამ მუხლის 1-ლი პუნქტით გათვალისწინებულ საცხოვრებელი ადგილის რეგისტრაციასთან დაკავშირებით ვრცელდება იძულებით გადაადგილებული პირის სტატუსის მქონე პირებზე, რომელთაც დევნილის სტატუსის დამადასტურებელი დოკუმენტის მიხედვით, რეგისტრირებულ მისამართად უფიქსირდებათ - ქალაქი რუსთავი.

მუხლი 3. პროგრამის განხორციელების პერიოდი

პროგრამის განხორციელების ვადა განისაზღვრება 2018 წლის 1 იანვრიდან 2018 წლის 31 დეკემბრის ჩათვლით.

მუხლი 4. პროგრამის განხორციელების მექანიზმები

1. პროგრამა უზრუნველყოფს ქალაქ რუსთავში მცხოვრები (რეგისტრირებული) ბენეფიციარების სამკურნალო/სარეაბილიტაციო ხარჯების დაფარვას, იმ ბენეფიციარისთვის, რომელთაც დადგენილი აქვთ ICD-10-ით განსაზღვრული შემდეგი კლასიფიკატორები - F78 ან R62 წლიურად არაუმეტეს 600,00 (ექვსასი ლარი და 00 თეთრი) ლარის ოდენობით, ხოლო იმ ბენეფიციარისთვის რომელთაც დადგენილი აქვთ ICD-10-ით განსაზღვრული კლასიფიკატორი - F84, წელიწადში არაუმეტეს 1000,00 (ერთი ათასი ლარი და 00 თეთრი) ლარის ოდენობით.

2. ბენეფიციარისთვის დახმარების გაწევის გადაწყვეტილება წარმოდგენილი დოკუმენტაციის შესაბამისად, მიიღება ქალაქ რუსთავის მუნიციპალიტეტის მერიის ჯანმრთელობის დაცვისა და სოციალური მომსახურების სამსახურის მიერ. თუ მოქალაქის მიერ წარმოდგენილი დოკუმენტაცია შეესაბამება ამ პროგრამის მე-2 მუხლით განსაზღვრულ დოკუმენტაციის ჩამონათვალს, ქალაქ რუსთავის მუნიციპალიტეტის მერი გასცემს საგარანტიო წერილს სამედიცინო დაწესებულების სახელზე.

3. ანგარიშსწორებას ახორციელებს ქალაქ რუსთავის მუნიციპალიტეტის მერიის საფინანსო-საბიუჯეტო სამსახური ქალაქ რუსთავის მუნიციპალიტეტის მერიის ჯანმრთელობის დაცვისა და სოციალური მომსახურების სამსახურის მიერ მიწოდებული დოკუმენტაციის შესაბამისად.

მუხლი 5. პროგრამის ბიუჯეტი

1. აუტიზმის გონებრივი განვითარების შეფერხების ან დაყოვნების მქონე ბავშვთა რეაბილიტაციის პროგრამის დაფინანსების წყაროს წარმოადგენს ადგილობრივი ბიუჯეტი.

2. პროგრამის ბიუჯეტი განისაზღვრება 100 000,00 (ასი ათასი ლარი და 00 თეთრი) ლარით, რომელიც კვარტალურად გადანაწილებულია შემდეგნაირად:

მთლიანი ბიუჯეტი	100 000,00 ლარი
I კვარტალი	35 000,00
II კვარტალი	25 000,00
III კვარტალი	25 000,00
IV კვარტალი	15 000,00

მუხლი 6. პროგრამის შედეგი

აუტიზმის, გონებრივი განვითარების შეფერხების ან დაყოვნების მქონე ბავშვთა სტიმულირების, სოციალური და თვითმოვლის უნარების შეძენის, შემეცნების, მოტორიკისა და კომუნიკაციური უნარების გამომუშავების ხელშეწყობა.

მუხლი 7. პროგრამის შემდგენი და მის განხორციელებაზე პასუხისმგებელი სამსახური

ქალაქ რუსთავის მუნიციპალიტეტის მერიის ჯანმრთელობის დაცვისა და სოციალური მომსახურების სამსახური.

წინო ქვია

ქალაქ რუსთავის მუნიციპალიტეტის მერიის
პირველადი სტრუქტურული ერთეულის
ჯანმრთელობის დაცვისა და სოციალური
მომსახურების სამსახურის ხელმძღვანელი